



KEMENTERIAN PERDAGANGAN DALAM NEGERI
DAN KOS SARA HIDUP



BERITA

24 JAM

KPDN

KERATAN AKHBAR & BERITA ONLINE

Untuk makluman:

- | | |
|-----------------------|---------------------|
| ● YB Menteri | ● YBhg. TKSU (PPDN) |
| ● YB Timbalan Menteri | ● YBhg. TKSU (PPP) |
| ● YBhg. KSU | ● Setiausaha Akhbar |

Tarikh: 1 NOVEMBER 2023



KEMENTERIAN PERDAGANGAN DALAM NEGERI
DAN KOS SARA HIDUP

KERATAN AKHBAR

KPDN



UNIT KOMUNIKASI KORPORAT

'Chicken price may drop below RM9.40 per kg'

SERDANG: The price of chicken can be much lower than the previously set controlled price of RM9.40 per kg, even after subsidies and price control are discontinued from today, says Datuk Armizan Mohd Ali.

The acting Domestic Trade and Cost of Living Minister said industry players had assured the government that there would not be a surge in chicken price.

"After implementing it for 20 months, we see that with the industry's assurance, we can float the price of chicken. The industry players have also guaranteed that the supply will be sufficient and they are able to sell it at a lower rate than the controlled price," he told reporters after launching the

Malaysia Competition Commission (MyCC) Open Day here yesterday, Bernama reported.

Earlier, the government had set the ceiling price for chicken at RM9.40 per kg. Agriculture and Food Security Minister Datuk Seri Mohamad Sabu announced on Monday that the government had agreed that subsidies and price control for chicken would be fully terminated starting today, while subsidies and price control for grade A, B and C eggs would remain according to the existing mechanism.

Mohamad said the rationale for ending subsidies in bulk for chicken is to reduce subsidy leakage which has been enjoyed by foreigners and the high-income group.

KPDN serbu stor sorok 10,000 liter diesel



Sepasukan penguat kuasa KPDN Kedah menyerbu sebuah stor haram tanpa nombor di Kawasan Perindustrian Bukit kayu Hitam, pada Isnin.

ALOR SETAR - Sebuah stor yang dijadikan 'stesen' bagi kenderaan bernombor pendaftaran negara asing mengisi diesel sebelum diseludup ke negara jiran, tumpas apabila diserbu pihak berkuasa, pada Isnin.

Pengarah Kementerian Perdagangan Negeri dan Kos Sara Hidup (KPDN) Kedah, Affendi Rajini Kanth berkata, serbuan dilakukan di sebuah premis tidak bernombor di Kawasan Perindustrian Bukit Kayu Hitam, dekat sini, selepas melakukan risikan selama seminggu.

"Serbuan jam 4.30 petang dilakukan sepasukan penguat

kuasa KPDN menemui sebuah lori dengan tangki tambahan berisi cecair disyaki diesel.

"Ketika serbuan, pekerja dan pemandu lori bertindak melarikan diri ke hutan berhampiran," katanya dalam satu kenyataan pada Selasa.

Affendi berkata, KPDN kemudian menyita lori terbabit bersama muatan dianggarkan berjumlah 10,000 liter dengan nilai RM21,500 selain dua unit tangki *Intermediate Bulk Container* (IBC).

"Nilai keseluruhan rampasan dianggarkan berjumlah RM64,900 dan kes disiasat mengikut Akta Kawalan Bekalan 1961," katanya.

Pada Isnin, kerajaan telah mengemukakan penarikan subsidi ayam dan banyak pihak yang memberi reaksi berhubung perkara itu.

Ada yang khuatir dan bimbang dengan situasi tersebut tetapi jika dilihat dari sudut positif, itu adalah keputusan bijak kerana matlamat utamanya untuk menangani isu ketirisan subsidi yang kini turut dinikmati oleh warga asing dan golongan berpendapatan tinggi.

Saya percaya sebelum kerajaan membuat keputusan ini, pelbagai faktor penting sudah diambil kira dalam memastikan kesemua pihak yang terlibat tidak terbeban.

Untuk rekod, sejak Februari 2022, kerajaan telah menanggung sebanyak RM3.8 bilion untuk subsidi telur dan ayam.

Jika pemberian subsidi ayam ini diturunkan, penternak memperoleh subsidi berdasarkan pengeluaran tetapi kerajaan perlu menanggung peruntukan subsidi yang besar.

Tetapi pengguna sebenarnya tidak mendapat kesan secara langsung kerana subsidi ayam diberikan secara terus oleh kerajaan kepada penternak.

Dengan penarikan subsidi ini, kerajaan dapat berjimat sebanyak RM100 juta sebelum dan peruntukan ini dapat digunakan untuk pelbagai inisiatif sosio-ekonomi termasuk pemberian bantuan tunai.



Situasi menang-menang untung peniaga, pengguna

Secara logiknya, harga ayam akan ditentukan oleh pasaran dan secara langsung ia dapat mewujudkan persaingan sihat antara peniaga dalam memberikan harga terbaik kepada pengguna.

Dalam erti kata lain, 'situasi menang-menang' perlu diamalkan oleh semua pihak. Dengan itu, harga ayam di pasaran juga dapat dikekalkan pada harga yang munasabah tanpa membebankan sesiapa.

Sudah tentu peniaga juga tidak mahu menanggung kerugian sekiranya meletakkan harga ayam pada harga kayangan.

Kesudahannya, mereka juga yang berputih mata dan rugi kerana akhirnya sumber protein utama negara itu akan rosak begitu saja tanpa ada yang membelinya.

Tetapi perlu diingat, apa pun langkah yang diambil, penguatkuasaan undang-undang perlu dilaksanakan dengan lebih tegas selain memastikan bekalan di



Kerajaan memberi jaminan tidak akan berlaku kenaikan harga ayam secara mendadak susulan langkah penamatan subsidi dan kawalan harga ayam berkuat kuasa hari ini.

pasaran sentiasa mencukupi.

Selain itu, kerajaan juga perlu meluaskan lagi penganjuran Jualan Agro Madani dan Jualan Rahmah di seluruh negara termasuk pasar raya besar bagi membolehkan lebih ramai rakyat mendapat manfaat melalui harga jualan ayam yang

lebih kompetitif dan tidak membebankan rakyat.

Yang pasti, jangan biarkan pengguna merana tetapi peniaga pula kaya-raya disebabkan penarikan subsidi ini.

— RAKYAT MARHAEN, Kuala Lumpur

Harga ayam di Johor kembali paras siling

Peniaga yakin penamatan subsidi stabilkan harga berikutan bekalan mencukupi

Oleh Mohamed Farid Noh,
Mohd Amin Jaill
dan Hidayatidayu Razali
bhnews@bh.com.my

Johor Bahru: Sehari sebelum penamatan subsidi ayam berkuat kuasa, iaitu bermula hari ini, harga bahan mentah itu di beberapa pasar sekitar negeri ini dilaporkan menurun sehingga kembali ke paras siling iaitu RM9.40 sekilogram.

Penurunan sehingga RM1 bagi setiap kilogram berbanding RM10.50 sekilogram sebelum ini dikesan hasil pemantauan di beberapa pasar basah sekitar Larkin, Perling, Skudai dan Tampoi, semalam.

Peniaga ayam segar, Hafizul Mohamad, 42, berkata harga borong ayam segar mula menurun sejak minggu lalu selepas ura-ura penamatan pemberian subsidi dan harga kawalan ayam.

"Beberapa minggu lalu peniaga menerima ayam segar pada harga RM8.50 sekilogram daripada pemborong dan ia terpaksa dijual sehingga RM10.50 sekilogram kepada pengguna.

"Namun, sejak ura-ura penamatan subsidi dan harga kawalan ayam, harga ayam daripada pemborong turun beransur-ansur sehingga RM7.50 sekilogram semalam berbanding RM8.50 sebelum ini.

"Ia menyebabkan harga ayam segar turun RM1 kepada RM9.40 sekilogram ketika ini. Mulai esok (hari ini) harga ayam segar akan ditentukan pasaran berdasarkan penawaran dan permintaan bahan mentah itu," katanya.

Menteri Pertanian dan Keterjaminan Makanan, Datuk Seri Mohamad Sabu dilaporkan berkata, kerajaan akan menamatkan sepenuhnya pemberi-



Tinjauan harga ayam mendapati harga turun sehingga RM1 bagi setiap kilogram di Larkin, semalam.

(Foto Nur Aisyah Mazalan/BH)

an subsidi dan harga kawalan bagi ayam bermula hari ini bagi mengurangkan ketirisan subsidi yang ketika ini turut dinikmati warga asing dan golongan berpendapatan tinggi.

Jangka harga kekal stabil

Di Seremban, beberapa peniaga menjangkakan penamatan subsidi dan kawalan harga ayam tidak akan menyebabkan kenaikan harga signifikan kepada pengguna.

Pembekal ayam, Zulfadzi Johari, 49, berkata buat masa ini bekalan ayam pada tahap yang baik dan pengusaha tidak berhadapan masalah untuk mendapat bekalan.

Pemborong ayam dari Seremban 2, Razali Musa pula berka-

ta dia yakin harga ayam akan kekal stabil walaupun kerajaan menarik subsidi kerana bekalan mencukupi, selain tiada faktor yang boleh menyebabkan berlaku kenaikan.

"Saya yakin kesan penamatan subsidi tidak akan dirasai dalam tempoh jangka masa terdekat, namun jika kenaikan sekali pun mungkin tak akan capai lebih RM10 sekilogram," katanya.

Sementara itu, Yang Dipertua Persatuan Penaja, Peniaga dan Pengusaha Kecil Negeri Sembilan (PPPKNS), Mohamad Yusoff, berharap penarikan subsidi ayam tidak dijadikan lesen oleh peniaga untuk menaikkan harga sewenang-wenangnya sehingga membebankan pengguna, ter-

utama golongan berpendapatan rendah.

Di Kota Bharu, rata-rata peniaga mengakui pengguna seperti boleh menerima keputusan kerajaan untuk mengapungkan harga ayam dan tinjauan di Pasar Besar Siti Khadijah mendapati pelanggan datang untuk membeli ayam seperti biasa.

Peniaga, Mohd Anwari Zakaria, berkata walaupun kerajaan akan menamatkan pemberian subsidi harga ayam, pelanggan tidak panik.

Perkara sama diakui rakan peniaga, Rosmini Mohd Haniffi, sambil berharap harga ayam tidak akan meningkat berikutan risau ia akan menjejaskan kedatangan pelanggan ke kedai miliknya.

Penamatan drastik subsidi cetus ketidakstabilan harga

PETALING JAYA: Penamatan subsidi terhadap daging ayam bakal mencetuskan ketidakstabilan harga terhadap ayam di pasaran dalam masa terdekat.

Pakar Ekonomi, Universiti Pertahanan Nasional Malaysia (UPNM), Dr. Nur Surayya Mohd Saudi berkata, ini kerana keperluan daging ayam dalam Malaysia adalah bukan sahaja diperolehi daripada sumber tempatan malah juga turut diimport.

Menurutnya, ketiadaan subsidi terhadap ayam tempatan bakal memberi impak terhadap kenaikan harga makanan bagi sektor lain yang menggunakan daging ayam dalam menu mereka.

Katanya, keadaan tersebut terjadi kerana dipengaruhi oleh harga yang dikenakan sama ada tinggi ataupun rendah terhadap daging ayam import, maka akan berlakunya ketidakstabilan har-

ga pada ayam tempatan.

"Justeru itu, buat pada masa ini saya tidak melihat penarikan semula subsidi ayam tidak akan memberi beban langsung terhadap rakyat.

"Peningkatan harga ayam akan menyukarkan rakyat untuk mendapatkan pemilihan makanan asas yang harganya berpatutan dan mampu milik," katanya kepada *Utusan Malaysia*.

Tambahnya, harga ayam yang ditetapkan RM9.40 sekilogram sejak Februari tahun 2022, memudahkan rakyat membuat keputusan dalam mendapatkan sumber protein yang lebih murah jika dibandingkan dengan harga ikan di pasaran.

Jelasnya, harga ayam yang stabil sebelum ini, banyak membantu dalam meningkatkan kesejahteraan ekonomi negara, yang seterusnya boleh mening-

katkan produktiviti industri yang berkaitan dengan daging ayam.

Sehubungan itu, Nur Surayya berkata, peningkatan harga ayam bukan sahaja menjejaskan industri makanan maka juga akan memberi beban terhadap kos perbelanjaan barang dapur bagi seisi rumah.

Justeru, beliau berkata, penarikan subsidi terhadap harga ayam adalah tidak bersesuaian untuk dilaksanakan buat pada masa kini, ekoran keadaan ekonomi masyarakat yang masih dalam fasa pemulihan.

Malah, kata beliau pemberian subsidi tunai kepada golongan B40 dan M40 jika berlakunya kenaikan harga pada ayam dilihat seperti tidak masuk akal.

"Seelok-eloknya, subsidi ayam dikekalkan kerana ayam merupakan makanan ruji masyarakat yang kedua," kata beliau.

Pemborong jangka harga ayam cecah RM11 sekilogram

GEORGE TOWN: Pemborong ayam di negeri ini menjangkakan kenaikan harga ayam tidak akan berlaku dengan mendadak meskipun subsidi dan kawalan harga ayam ditanamkan bermula hari ini.

Seorang pemborong ayam, Mohd. Shafi Yaakob berkata, walaupun penamatan subsidi itu diumumkan dalam tempoh singkat, pihaknya menjangka harga ayam tanpa subsidi akan mencecah sekitar RM11 sekilogram.

"Kami ingatkan penamatan subsidi ini bermula tahun depan, kami tidak sangka ia akan berlaku lebih awal.

"Kami telah bersiap sedia dan kami jangka buat permulaan harga ayam tanpa subsidi boleh mencecah RM11 sekilogram," katanya ketika dihubungi *Utusan Malaysia* di sini semalam.

Menurut Mohd Shafi, bagaimanapun harga ayam tanpa

subsidi itu juga bergantung kepada harga margin yang ditetapkan oleh pemilik ladang-ladang yang menternak ayam.

"Jika ladang-ladang ditetapkan harga margin yang tinggi boleh jadi harga ayam akan naik tinggi, namun apa pun kita tunggu harga daripada ladang esok," katanya.

Dalam pada itu, dakwa beliau, ladang-ladang ayam beroperasi dalam kerugian kerana kos operasi tidak dapat menampung harga ayam siling ayam yang rendah iaitu RM9.40 sekilogram.

"Kejatuhan ringgit juga memainkan peranan penting kerana dedak serta makanan ayam diimport.

"Bermula esok selepas ketiadaan subsidi, ladang ayam akan mengawal serta memastikan harga ayam stabil mengikut permintaan dan kehendak pasaran," katanya.

Tubuh pasukan khas elak penyelewengan, naik harga

Kuala Lumpur: Kerajaan disaran menubuhkan pasukan khas memantau secara dasar pengeluaran dan penjualan ayam bagi mengelak penyelewengan hingga berlaku kenaikan harga mendadak selepas kerajaan menamatkan pemberian subsidi secara sepenuhnya hari ini.

Presiden Persatuan Pengguna Subang dan Shah Alam (Cassa) Dato Seri Dr Jacob George berkata, beliau bersetuju dengan usaha kerajaan yang mengurangkan ketirisan subsidi, namun berpendapat ia perlu diselaras-kan dengan penubuhan pasukan khas yang dianggotai beberapa pihak.

Menurutnya, pasukan berkenaan bukan saja membabitkan pihak kerajaan dan agensinya tetapi perlu disertai pihak lain seperti pakar dan badan

bukan kerajaan (NGO) yang mempunyai rekod prestasi dalam hal ke-penggunaan.

"Kenaikan (harga ba-rang) tidak dinafikan dan ia adalah realiti kerana si-tuasi ekonomi ketika ini termasuk mempunyai kos operasi dan sebagai-nya tetapi dengan penu-buhan pasukan ini ia da-pat memantau supaya si-tuasi itu tidak terlalu me-lampau.

"Ini penting untuk kita pantau setiap hari terma-suk melihat harga jualan. Mereka ini (task force) perlu melihat harga dan turun padang setiap masa dengan bergerak secara 'senyap' untuk mengelak-kan harga naik menda-dak.

"Ia sekali gus dapat mengelak berlaku penye-lewengan, wujudnya kar-tel dan orang tengah yang

ambil kesempatan. Pasu-kan khas seperti ini sudah dilakukan di negara se-perti Kanada, Amerika Syarikat, New Zealand, Australia, Indonesia dan Vietnam," katanya ketika dihubungi, semalam.

Sementara itu, Ketua Pusat Pilihan Pengguna Malaysia, Tarmizi Anu-war berkata, pengguna ti-dak sepatutnya risau har-ga bekalan akan naik ke-rana pengapungan harga ayam akan mewujudkan harga yang lebih kompe-titif di pasaran.

Katanya, subsidi atau kawalan harga ayam bo-leh menyebabkan pening-katan mendadak dalam permintaan yang mung-kin sukar dipenuhi oleh pengeluar dan ia mewu-judkan ketidakselarasan antara harga ayam di pa-saran dan kos pengelu-aran ayam.

Ayam tak habis jual

Tiada permintaan luar biasa walau subsidi ayam tamat hari ini

Oleh Noor Hidayah
 Tanzizi
 hidayah.tanzizi@hmetro.com.my

Kuala Lumpur

Tiada pembelian panik sekitar Lembah Klang dan bekalan ayam juga tidak berkurangan selepas kerajaan mengumumkan menamatkan sepenuhnya subsidi dan harga kawalan bagi bahan mentah itu bermula hari ini.

Tinjauan di beberapa lokasi seperti pasar basah Chow Kit, kedai runcit juga mendapati bekalan bahan mentah itu masih banyak dengan harga jualan antara RM9 sehingga RM9.40 sekilogram apabila masih dijual di bawah dan sama harga siling yang ditetapkan sebelum ini iaitu RM9.40.

Pekerja gerai ayam dikenali sebagai Aiman, 28, berkata, dia membuka gerai sejak jam 5 pagi dan sehingga kini kehadiran pelanggan sama seperti hari biasa, biarpun pada mulanya dia turut menyangka akan ada peningkatan pelanggan semalam.

Menurutnya, ayam bulat segar dijual pada harga RM9 sekilogram berbanding



TINJAUAN harga ayam di Pasar Chow Kit, semalam.

ding sebelum ini RM9 hingga RM9.40 kerana semalam mereka mendapat harga murah daripada pembekal RM7 sekilogram.

"Saya tahu subsidi ayam sudah ditarik balik dan jangka hari ini akan ramai orang beli ayam tetapi setakat jam 10.30 pagi pelanggan masih membeli dalam bekalan biasa hanya seekor atau dua ekor saja, manakala pemilik kedai makan juga membeli dalam jumlah sama iaitu 10

hingga 20 ekor saja.

"Ayam juga masih banyak dan kalau diikutkan harga ayam memang murah berbanding minggu lalu tetapi untuk esok kami belum tahu lagi berapa pembekal jual dan barulah kami letak harga dengan mengambil kira kos lain juga," katanya.

Penjual ayam, Anuar, 24, berkata, dia masih menjual ayam dengan harga RM9.40 kerana mengambil

kira semua kos termasuk pengangkutan dan harga jualan daripada pembekal namun mengakui mereka tidak menaikkan harga sesuka hati.

"Setakat ini semua terkawal dan tiada pembelian panik, malah bekalan ayam yang diambil juga sama tidak ditambah tetapi ramai pelanggan tanya berapa harga jualan ayam untuk esok tetapi kami tak boleh jawab kerana perlu tunggu esok (hari ini)," katanya.

Peniaga tidak hadapi masalah dapat bekalan

Seremban: Langkah kerajaan menarik subsidi ayam bermula hari ini dijangka tidak menyebabkan harga ayam melonjak naik secara mendadak sebaliknya kekal pada paras biasa.

Pembekal ayam, Zulfadzi Johari, 49, dari Paroi, di sini, berkata, ketika ini rata-rata peniaga menjual ayam di bawah paras kawalan harga yang ditetapkan iaitu RM9.40 untuk sekilogram (kg).

"Saya menjangkakan harga ayam tidak akan naik mendadak selepas kerajaan menarik subsidi kerana ketika ini harga ayam terkawal, malah ramai peniaga menjual ternakan itu di bawah paras harga kawalan ditetapkan kerajaan iaitu RM9.40 kg.

"Buat masa ini bekalan ayam juga berada pada paras yang baik dan pengusaha tidak berhadapan masalah untuk mendapat bekalan.

"Saya sendiri tidak menghadapi masalah untuk mengekalkan harga RM9.40 kg, sebenarnya harga ayam dipasaran ini dipengaruhi dari segi penawaran dan permintaan," katanya di sini, semalam.

Pemborong ayam dari Seremban 2, Razali Musa, 56, berkata, dia yakin harga ayam akan kekal stabil walaupun kerajaan menarik subsidi kerana bekalan



Saya menjangkakan harga ayam tidak akan naik mendadak selepas kerajaan menarik subsidi kerana ketika ini harga ayam terkawal"

Zulfadzi Johari

mencukupi selain tiada faktor boleh menyebabkan berlaku kenaikan.

Menurutnya, peniaga lebih selesa untuk menjual pada harga sekarang kerana kuantiti ayam banyak dan mudah mendapat bekalan.

"Saya yakin kesan penamatan subsidi ini tidak akan dirasai dalam tempoh jangka masa terdekat tapi sekiranya ada kenaikan harga, ia mungkin tidak akan mencapai lebih RM10 untuk sekilogram ayam," katanya.

Sementara itu, Yang Dipertua Persatuan Penjaja, Peniaga dan Pengusaha Kecil Negeri Sembilan, Mohamad Yusoff berharap penarikan subsidi ayam tidak dijadikan lesen oleh peniaga untuk menaikkan harga sehingga membebankan pengguna terutama golongan berpendapatan rendah.

Tidak ada pembelian panik di Kelantan

Kota Bharu: Tiada pembelian panik membabitkan ayam standard di negeri ini susulan pengumuman kerajaan akan menamatkan sepenuhnya pemberian subsidi dan harga kawalan bagi bekalan itu bermula hari ini.

Tinjauan Harian Metro di Pasar Besar Siti Khadijah, di sini, semalam mendapati pelanggan membeli ayam seperti biasa.

Peniaga, Mohd Anwari Zulkefli, 34, berkata pelanggan datang ke kedainya seperti biasa untuk membeli ayam sama ada secara borong pada harga RM7.50 sekilogram dan runcit RM8 sekilogram.

Menurutnya, dia juga mendapati pelanggan tidak panik apabila mereka membeli bekalan seperti sebelum ini walaupun kerajaan akan menamatkan pemberian subsidi harga ayam bermula hari ini.

"Setakat ini ayam dijual dengan harga biasa dan



MOHD Anwari melayan pelanggan yang membeli ayam di Pasar Besar Siti Khadijah, Kota Bharu, semalam.

mungkin esok (hari ini) juga harga seperti hari ini. Berikutan itu tidak ada pembelian secara panik.

"Hari ini (semalam) saya dapat jual 400 ekor ayam seperti sebelum ini," katanya yang menjual ayam se-

jak lebih 10 tahun lalu.

Peniaga ayam lain Rosmini Mohd Hanafi, 45, berkata tidak berlaku pembelian panik di kedainya dan pengunjung yang datang adalah pelanggan tetap.

"Tidak ada tambahan pe-

langgan hari ini (semalam), malah jualan adalah seperti biasa dan ayam yang saya jual tidak habis. Ini menunjukkan tidak ada pembelian panik.

"Sebagai peniaga, saya harap harga ayam tidak naik kerana ia akan menjejaskan kedatangan pelanggan. Jika harga naik mungkin pasar ini akan jadi lebih sunyi kerana orang tidak ada duit untuk membeli," katanya.

Pelanggan, Mohd Asyraf Mohd Arif, 21, berharap harga ayam tidak naik dan dijual seperti biasa walaupun kerajaan akan menamatkan pemberian subsidi, hari ini.

"Jika harga ayam naik, ia akan memberi kesan kepada saya dan rakyat yang lain berikutan kos hidup pada masa ini agak tinggi.

"Harga terkini pun saya rasa dah tinggi, kalau naik lagi ia akan membebankan termasuk meningkatkan belanja dapur," katanya.

"Setakat ini ayam dijual dengan harga biasa dan mungkin esok (hari ini) juga harga seperti hari ini. Berikutan itu tidak ada pembelian secara panik"

Pantau seluruh sistem

Kuala Lumpur: Kerajaan perlu memantau dengan teliti keseluruhan sistem pengeluaran, pembekalan, pemborong dan peruncit untuk memastikan tiada sebarang masalah dan aktiviti pencatutan dalam pasaran berikutan penamatan subsidi ayam hari ini.

Profesor ekonomi di Sunway University Profesor Yeah Kim Leng berkata kerajaan boleh mempromosikan agro bazar, kedai Rahmah dan kedai runcit untuk menjamin tiada kekurangan bekalan dan harga sumber protein itu berpatutan kepada golongan berpendapatan rendah.

"Kenaikan harga adalah wajar, namun lebih sesuai jika kerajaan dapat menyediakan bantuan tunai kepada isi rumah berpendapatan rendah bagi mengurangkan kenaikan kos sara hidup.

"(Bagaimanapun) pemain industri telah memberikan komitmen bahawa bekalan ayam mencukupi dan kenaikan harga adalah wajar dan tidak terlalu drastik, itu khabar gembira," katanya.

Yeah berkata memastikan persaingan dan menggalakkan skala ekonomi yang lebih besar serta kecekapan dan produktiviti yang tinggi dalam kalangan pengeluar dan pembekal ialah kunci utama kepada harga ayam dan telur yang lebih murah.

Bagaimanapun, beliau berkata memandangkan industri penternakan serta penawaran dan permintaan keseluruhan akan didorong oleh kuasa pasaran, pengguna harus menjangkakan harga pasaran berubah-ubah sama seperti barang dan perkhidmatan lain dalam ekonomi pasaran.

Cake sifatkan tindakan terlalu drastik kerana ada musim perayaan, cuti sekolah

'Masa tidak sesuai apung harga ayam'

Oleh JAMLIH ABDULLAH

ALOR SETAR – Persatuan Pengguna Kedah (Cake) menyifatkan tindakan kerajaan mengapungkan harga ayam bermula hari ini sebagai terlalu drastik dan tidak bersesuaian dengan waktunya.

Kata Pengerusinya, Mohamad Yusrizal Yusoff, tindakan itu dikhuatiri mengakibatkan kenaikan harga barang mentah itu di pasaran ekoran permintaan yang dijangka tinggi menjelang musim perayaan seperti Hari Deepavali dan cuti sekolah hujung tahun ini.

"Langkah kerajaan terlalu drastik dan dilihat tidak bersedia untuk pastikan kestabilan harga ayam. Kerisauan pengguna apabila harga ayam diapungkan, harga barang akan naik sedikit demi sedikit.

"Beberapa hari lagi akan tiba Deepavali, jadi sudah satu kebiasaan dalam hukum pasaran apabila permintaan tinggi harga ayam akan turut tinggi. Kita jangka pesta kenaikan harga ayam berlaku dan pengguna lain akan menerima kesannya," katanya ketika dihubungi di sini semalam.

Sehubungan itu, katanya, Kementerian terlibat termasuk agensi di bawahnya perlu bersedia untuk memperkasakan pemantauan berkaitan untuk memastikan kenaikan itu adalah munasabah.

"Cake menerima banyak aduan daripada peniaga kecil dan sederhana bahawa kuasa membeli dalam kalangan pengguna semakin kecil setelah kenai-



PENIAGA runcit meramalkan harga ayam tetap sama selepas subsidi ditamatkan mulai hari ini kerana bekalan makanan itu banyak di pasaran. - GAMBAR HIASAN



KERATAN muka depan Kosmo! semalam.

kan harga beras import. Adakah bila berlaku kenaikan harga ayam nanti, perkara sama berlaku?

"Banyak pengguna terutama yang bekerja tidak ada peluang

masak dan makan di rumah jadi mereka akan makan di luar sahaja. Ini akan membebaskan mereka," katanya.

Sebelum ini kerajaan mengu-

mumkan penamatan subsidi dan harga kawalan bagi ayam sepe-
nuhnya bermula hari ini.

Menurut Menteri Pertanian dan Keterjaminan Makanan, Datuk Seri Mohamad Sabu, rasionalisasi daripada tindakan itu adalah untuk mengurangkan ketirisan subsidi yang turut dinikmati oleh warga asing dan penduduk berpendapatan tinggi.

Dalam perkembangan lain, menurut penternak Mazlina Kamarudin yang juga Pengarah Urusan Ayam Bismi Sdn. Bhd. (Ayam Bismi), pihaknya sendiri melahirkan kebimbangan dengan tindakan kerajaan menamatkan subsidi ayam kerana dikhuatiri membunuh penternak kecil dan

sederhana yang masih bergelut dengan kos ternakan yang tinggi.

"Kami akur dengan keputusan kerajaan, namun sesuatu yang membimbangkan adalah kesan kepada kepada penternak kecil dan sederhana kerana kos anak ayam dan dedak masih tinggi walaupun turun sikit saja.

"Apabila berlaku peningkatan kos ini dan kalau kerajaan tidak masuk campur terutama harga anak ayam yang dikuasai kartel besar, penternak kecil dan sederhana ini akan terkesan. Penternak ini akan takut masuk anak ayam di ladang, jadi pengeluaran ayam akan terjejas," katanya.

Beliau menambah, pihaknya menjangkakan berlaku pengurangan bekalan ayam dalam tempoh sebulan ekoran tindakan penternak mengambil sikap berhati-hati untuk membawa masuk anak ayam ke ladang.

"Pengeluaran mungkin terjejas selepas November kerana selepas subsidi ditamatkan akan ada penternak yang mengurangkan kemasukan anak ayam antara 10 hingga 20 peratus ketika ini," katanya.

Beliau pada masa sama meminta kerajaan mempertimbangkan untuk mengekalkan harga ayam tanpa kawalan itu termasuk pada musim perayaan.

"Kita mohon daripada kerajaan kalau harga diapungkan, biarlah selamanya tidak kira musim perayaan kerana penternak kecil dan sederhana ini terpaksa bersaing dengan pemain gergasi dalam sektor ini," katanya.

Jangan risau harga tidak naik, ayam banyak – Peniaga

Oleh DIYANATUL ATIQAH
ZAKARYA dan ROHANA
MOHD.NAWI

PETALING JAYA – Harga ayam proses yang dijual di pasaran akan tetap rendah dan stabil walaupun subsidi bagi ayam akan ditamatkan sepenuhnya bermula hari ini.

Keadaan itu berikutan lambakan ayam yang banyak di pasaran tidak seperti kebiasaan ketika berlaku krisis bekalan.

Seorang peruncit ayam di **Kota Bharu, Kelantan**, Mohamad Dinie Ariff Mohamad Nordin, 33, berkata, lambakan ayam sejak sebulan lalu menyebabkan ramai peniaga tidak mahu naikan harga jualan sehingga ke harga siling iaitu RM9.40 sekilogram.

Jelasnya, selepas subsidi ditamatkan, dia percaya peniaga ayam tiada kemampuan untuk menaikkan harga bahan mentah itu kerana berlaku lambakan ter-



AYAM proses yang dijual di premis milik Mohamad Dinie Ariff di Peringat, Kota Bharu semalam.

nakan di ladang-ladang utama di Kedah, Perak dan Pulau Pinang.

"Berikutan banyak bekalan ayam ketika ini, saya jual ayam

proses harga antara RM7.50 hingga RM8 sekilogram.

"Saya tidak berani untuk menaikkan harga jualan kerana

khuatir pelanggan lari. Ditambah pula bekalan ayam banyak ketika ini," katanya ketika ditemui Kosmo! semalam.

Mohamad Dinie Ariff memberitahu, keadaan itu juga menyebabkan jualan ayamnya ketika ini menurun daripada 4,000 ekor kepada 2,000 ekor sehari.

Ujarnya, difahamkan pemilik ladang terpaksa memanggil pemborong membeli ternakan mereka selepas perlu menanggung kerugian besar apabila berlaku lambakan ayam di beberapa negeri.

Di **Melaka**, seorang peniaga di Pasar Awam Bachang, Ghazali Abu Bakar, 59, pihaknya yakin harga ayam akan kekal seperti biasa susulan kini jumlah bekalan ayam adalah mencukupi.

Jelasnya lagi, kini rata-rata peniaga juga hanya mengambil bekalan ayam hidup dan melakukan proses penyembelihan sendiri bagi mengurangkan kos

daripada peladang.

"Dahulu, harga ayam naik kerana kita kekurangan bekalan ayam. Kini, bekalan ayam telah kembali normal dan harga juga seperti biasa, memang tidak ada masalah atau desas-desus kenaikan harga.

"Kalau peladang mempunyai ternakan atau bekalan banyak mereka akan turunkan harga, kita juga turunkan harga runcit seperti minggu ini ayam dijual pada RM8.90 sekilogram," katanya ketika ditemui pemberita, semalam.

Seorang lagi peniaga, Ahmad Bakhtiar Omar, 38, memberi jaminan harga ayam tidak akan alami kenaikan selepas kerajaan mengapungkan bahan mentah itu.

"Harga tidak akan naik, kami peniaga pun bersaing sesama sendiri, dekat pasar ini pun ada lebih 20 peniaga kalau jual mahal memang orang tak nak beli," ujarnya.



KEMENTERIAN PERDAGANGAN DALAM NEGERI
DAN KOS SARA HIDUP

BERITA ONLINE

KPDN



UNIT KOMUNIKASI KORPORAT

BERITA ONLINE BERTARIKH 1 NOVEMBER 2023

TARIKH	TAJUK	PAUTAN	MEDIA
1-Nov	Stor jadi lokasi kenderaan Thailand seludup diesel diserbu	https://www.utusan.com.my/nasional/2023/10/stor-jadi-lokasi-kenderaan-thailand-seludup-diesel-diserbu/	UM
1-Nov	Stor haram simpan 10,000 liter diesel diserbu	https://www.sinarharian.com.my/article/632301/berita/semasa/stor-haram-simpan-10000-liter-diesel-diserbu	SH
1-Nov	Penguat kuasa perlu kerap periksa harga ayam – Pengguna	https://malaysiagazette.com/2023/10/31/penguat-kuasa-perlu-kerap-periksa-harga-ayam-pengguna/	MALAYSIAGAZETTE
1-Nov	Harga ayam bulat di Sabah cecah RM12 sekilogram	https://www.google.com/amp/s/www.bharian.com.my/amp/berita/nasional/2023/10/1171399/harga-ayam-bulat-di-sabah-cecah-rm12-sekilogram	BH
1-Nov	Tubuhkan pasukan khas turun padang setiap masa	https://www.hmetro.com.my/mutakhir/2023/10/1025552/tubuhkan-pasukan-khas-turun-padang-setiap-masa	HM
1-Nov	Tiada pembelian panik, ayam dijual seperti biasa	https://www.bharian.com.my/berita/nasional/2023/10/1171420/tiada-pembelian-panik-ayam-dijual-seperti-biasa	BH
1-Nov	Pemborong jangka harga ayam tanpa subsidi boleh cecah RM11 sekilogram	https://www.utusan.com.my/nasional/2023/10/pemborong-jangka-harga-ayam-tanpa-subsidi-boleh-cecah-rm11-sekilogram/	UM

1-Nov	Agrobank serius pastikan bekalan harga ayam stabil	https://www.google.com/amp/s/www.bharian.com.my/amp/bisnes/korporat/2023/10/1171383/agrobank-serius-pastikan-bekalan-harga-ayam-stabil	BH
1-Nov	Kerajaan perlu pastikan harga ayam tidak naik mendadak	https://harakahdaily.net/index.php/2023/10/31/kerajaan-perlu-pastikan-harga-ayam-tidak-naik-mendadak/	HARAKAHDAILY
1-Nov	Chicken prices can be lower than RM9.40 per kg, says Armizan	https://www.google.com/amp/s/www.freemalaysiatoday.com/amp/category/nation/2023/10/31/chicken-prices-can-go-lower-than-rm9-40-per-kg-says-armizan/	FMT
1-Nov	Harga ayam boleh lebih rendah selepas diapung, kata KPDN	https://www.themalaysianinsight.com/bahasa/s/469590	THEMALAYSIANINSIGHT
1-Nov	Harga ayam boleh didapati lebih rendah selepas diapungkan – KPDN	https://www.buletintv3.my/nasional/harga-ayam-boleh-didapati-lebih-rendah-selepas-diapungkan-kpdn/	BULETINTV3
1-Nov	Harga ayam boleh didapati lebih rendah selepas diapungkan – KPDN	https://www.bernama.com/bm/am/news.php?id=2240258	BERNAMA
1-Nov	Armizan: Chicken prices can be lower than RM9.40 per kg after Nov 1	https://www.thesundaily.my/local/armizan-chicken-prices-can-be-lower-than-rm940-per-kg-after-nov-1-BP11692672	THESUNDAILY
1-Nov	'Chicken price may drop below RM9.40 per kg'	https://www.thestar.com.my/news/nation/2023/11/01/chicken-price-may-drop-below-rm940-per-kg	THESTAR
1-Nov	Chicken prices can be lower than RM9.40 per kg after Nov 1 – Armizan	https://themalaysianreserve.com/2023/10/31/chicken-prices-can-be-lower-than-rm9-40-per-kg-after-nov-1-armizan/	THEMALAYSIANRESERVE

1-Nov	Chicken prices can be lower than RM9.40 kg after Nov 1	https://bernama.com/en/news.php?id=2240262	BERNAMA
1-Nov	Harga ayam boleh didapati lebih rendah selepas diapungkan - Armizan	https://www.google.com/amp/s/www.astroawani.com/berita-malaysia/harga-ayam-boleh-didapati-lebih-rendah-selepas-diapungkan-armizan-444110%3famp=1	ASTROAWANI
1-Nov	Harga ayam boleh didapati lebih rendah selepas diapungkan	https://www.sinarharian.com.my/article/632388/berita/nasional/harga-ayam-boleh-didapati-lebih-rendah-selepas-diapungkan	SH
1-Nov	Harga ayam boleh didapati lebih rendah selepas diapungkan	https://malaysiagazette.com/2023/10/31/harga-ayam-boleh-didapati-lebih-rendah-selepas-diapungkan/	MALAYSIAGAZETTE
1-Nov	Harga ayam di Johor kembali ke paras siling RM9.40 sekilogram	https://www.google.com/amp/s/www.bharian.com.my/amp/berita/nasional/2023/10/1171475/harga-ayam-di-johor-kembali-ke-paras-siling-rm940-sekilogram	BH
1-Nov	Pemborong jangka harga ayam cecah RM11 sekilogram	https://www.utusan.com.my/berita/2023/11/pemborong-jangka-harga-ayam-cecah-rm11-sekilogram/	UM
1-Nov	Harga ayam dijangka kekal	https://www.utusan.com.my/nasional/2023/11/harga-ayam-dijangka-kekal/	UM
1-Nov	Mesin pembungkus beras disita KPDN Kedah	https://berita.rtm.gov.my/semasa/senarai-berita-semasa/senarai-artikel/mesin-pembungkus-beras-disita-kpdn-kedah	BERITARTM